

解卦第四十（下坎水 上震雷 — 雷水解卦）



解，利西南。無所往，其來復吉；有攸往，夙吉。

1. 解卦象徵釋解險難之意，其利在於能施於西南眾庶之地，使群情得以舒緩。

患難初解，無難可往，則以安靜為吉。俟來復而安居以修治其內。若出現危

難，則應有所作為，並宜及早前去，迅速紓解為吉。◎解，紓也，散也。有

釋解險難、紓緩物情之意。◎西南，坤地，喻眾庶也。說卦傳：坤為西南之

卦，坤又為眾，故西南象徵眾庶。

2. 李士鈺曰：雷之威無所不摧，水之德無所不滌，破天地煩鬱之氣而洗濁垢，解之象也。已解則無事，故無所往，待其來復。蓋大難初平，當清淨無為，以養其氣，定人心，不更生事以擾之，則氣自復元，人自復業，故吉。若有所事，必當速了，不可曠日持久，重擾吾民。「無事不生事，有事即了之。」此所以常如無事也。
3. 褚仲都曰：世有無事求功，故戒以無難宜靜。亦有待敗而救，故戒以有難須速。
4. 黃壽祺曰：坤之得在西南，蹇、解之利亦在西南，三者取象皆同，而寓意各有所主：坤卦主陰柔當順行、居後；蹇卦主濟蹇，利在從平易著手；解卦則主紓解險難，應施於眾庶。
5. 序卦傳：蹇者，難也。物不可終難，故受之以解。

彖曰：解，險以動，動而免乎險，解。解，利西南，往得眾也。其來復吉，乃得中也。有攸往，夙吉，往有功也。天地解，而雷雨作，雷雨作，而百果草木皆甲坼，解之時大矣哉。

1. 彖傳曰：解卦下坎險、上震動，動於險外，故能免於險，有紓解險難之象，

故為解卦。西南坤位為眾庶之地，能前往為民眾紓解困難，必得民心之擁護，

故有利。患難已解，無難可往，宜休養生息，以待陽氣之復生，則可致吉祥，此得理之中。若有事則解難宜速，不可失其先機，亦可獲致吉祥，故前往解難，得有其功。

2. 劉沅曰：因險而動，不安於險而能免乎險，故名解。若動而不能免，猶不得為解。
3. 孔穎達曰：往之西南，得施解於眾，所以為利也。無難可解，退守靜默，得理之中。解難宜速，則不失其幾，故往有功也。
4. 馬其昶曰：西南坤方，乾元利往西南以交於坤，一索得震，再索得坎，為雷為雨而成解也。坤為眾，往得眾即往得坤也。
5. 天地紓解其蔽塞，草木逢春，春雨乃作，胚胎迸裂，蓓蕾怒放，芽蘖滋長，而外甲坼裂，百果草木莫不解放。吾人應效法大自然之作為，把握此紓解的

時機是多麼重要啊！

6. 孔穎達曰：震坎有雷雨之象，以明解義。天地解緩，雷雨乃作；雷雨既作，百果草木皆孚甲開坼，莫不散也。
7. 胡炳文曰：解上下體易則為屯，動於險中為屯，動而出乎險外為解。屯象草穿地而未甲，解則雷雨作，而百果草木皆甲坼。
8. 劉沅曰：天地之解，人事如之，則時以動而險盡平，故約時大。

象曰：雷雨作，解；君子以赦過宥罪。

1. 大象傳曰：解卦下坎水、上震雷，故有雷雨交作之象。萬物當春，因雷雨之起而紛紛舒發生機，故有紓解之意。
2. 來知德曰：雷雨交作，天地以之解萬物之屯。 ◎屯：初生之困難。
3. 君子者觀察解卦雷雨交作，天地以之解萬物之屯之象，悟知當赦免百姓過失，寬宥其罪惡，以體現開明而寬大的仁政。 ◎赦，免除。 過，無心之失。
◎宥，寬宥。 罪，有心之惡。
4. 趙汝謀曰：雷者，天之威；雨者，天之澤，猶刑獄之有赦宥。 張洪之曰：

雷電之威，濟之以雨露之恩，而寬則得眾矣。

5. 孔穎達曰：赦謂放免，宥謂寬宥，過輕則赦，罪重則宥，皆解緩之義。

初六，無咎

象曰：剛柔之際，義無咎也。

1. 初六當危難初解之時，以柔處下，上與九二、九四兩陽相比應，應剛而承剛，得剛柔交際之宜，難必解矣，故曰無咎。

2. 初六爻僅言無咎二字，有兆辭而無象辭，其言甚簡，乃由於全爻之喻意，已包含在爻象之中，不復言也。

3. 李士鈺曰：爻辭簡易無過此，亦以解難之初，無所事事，故不多繫之辭。

4. 象傳曰：初六以柔處下，與九二、九四兩陽相比應，剛柔得以相互交接、遇合，宜其無咎也。 ◎際，交接、遇合之意。 ◎義，宜也。

5. 程頤曰：初、四相應，是剛柔相際接也，剛柔相際，為得其宜，難既解而處之剛柔得宜，其義無咎也。

6. 馬其昶曰：初六失位疑若有咎者。然解以二、四兩剛成卦，其所以為雨者，二也，不可以不承之也；所以為雷者，四也，不可以不應之也。承二應四，於剛柔交際之宜，最為得之。雖不變，無咎。

7. 薛溫其曰：屯，剛柔始交而未相和會，動乎險中，故有難。解，剛柔已相際接，動而出險，故義無咎。

九二，田獲三狐，得黃矢，貞吉。

象曰：九二貞吉，得中道也。

1. 九二陽剛居中，上應六五君王，為君王所倚重。以其位居下坎之中，得知坎險之內情，故能解除眾多隱伏之患。又九二稟剛中之質，象徵其擁有剛直、中和之美德。如能謹守正道，必獲吉祥。 ◎田獲三狐，謂解除眾多隱伏之患。田，獵也。 三，喻多也。 狐，喻隱伏之患 ◎得黃矢，喻其擁有剛直、

中和之美德。 黃，喻其得中。 矢，喻其剛直。

2. 王弼曰：九二剛中而應，為五所任，處於險中，知險之情，以斯解物，能獲隱伏也。田而獲三狐，得乎理中之道，不失枉直之實。
3. 李士鈇曰：狐性善媚，猶小人之惑君子。九二有剛中之德，為六五所倚任，其力足以治之。物三為群，獲三狐則小人盡矣。黃言其得中，矢言其剛直，惟中直始足以去小人，而大難平矣，故貞吉。
4. 象傳曰：九二能謹守正道而獲吉祥者，以其擁有剛直、中和之美德，能行中直之道也。
5. 黃壽祺曰：九二以陽居陰，有失正之象，惟其剛直處中，有得黃矢之美，遂能排除隱患，田獲三狐，故爻辭稱其貞吉。象傳所謂得中道，即說明九二之所以能守正獲吉之主因。

六三，負且乘，致寇至，貞吝。

象曰：負且乘，亦可醜也，自我致戎，又誰咎也。

1. 六三陰柔失位，為無德小民，卻乘凌於九二陽剛之上，猶如背負重物之小人，而欲竊據高位，易於招致強寇掠奪。此乃說明居非分之位者，將不能長久，而誠其當謹守正道，改邪向善，以防憾惜。
2. 劉沅曰：六三陰柔無德，欲居高位以為榮，取非其有，力不勝重，有如負焉。據非其地，以高凌人，有如乘焉。人將奪之，故致寇至。
3. 楊萬里曰：市井負販小人，乘公卿大夫之路車，此竊位、僭位之甚者。
4. 象傳曰：「負且乘」，意旨六三以小人之身而竊居高位，其行為也太醜惡了。

如果因此而招致兵戎侵伐之難，又能歸咎於誰呢。

5. 雷恩曰：負且乘，小人自以為榮，而君子恥之，故可醜也。寇小為盜，大則為戎，任使非人，則變解為蹇，天下起戎矣。
6. 李士鈇曰：凡物非其所有者，有必不久；位非其所處者，處必不安。大亂後容有小人竊位之時，然易敗召侮而起戎心，可不戒哉。
7. 繫辭上傳云：作易者其知盜乎？易曰：「負且乘，致寇至。」負也者，小人之事也；乘也者，君子之器也。小人而乘君子之器，盜思奪之矣；上慢下暴，盜思伐之矣；慢藏誨盜，冶容誨淫。易曰：「負且乘，致寇至。」盜之招也。

爻辭言外之意，在說明小人能竊據高位，乃由於居上位者任人之輕忽不慎，而自招禍害。

九四，解而拇，朋至斯孚。

象曰：解而拇，未當位也。

1. 九四陽居陰位，下比六三而為其所糾附，猶如其手之拇指生患，有礙其與初六之相應。故須解其拇，然後初、四得以陰陽相應，而誠信之德可以顯現。

◎而，通「爾」，汝也，指九四。 ◎拇，手拇指也。 ◎朋，指初六。 ◎

斯，則也，就也。

2. 王弼曰：九四失位不正而比於三，故三得而附之，為其拇也。三為其拇則失初之應，故解其拇，然後朋至而信矣。
3. 象傳曰：九四須阻止六三之糾附，猶如解除其手拇指之生患者，說明九四既陰居陽位，又下比六三陰柔小人，其居位極其不當。
4. 李士鈺曰：九四一陽出險而動，雷震而群陰散，故卦必至四而言解。
5. 黃壽祺曰：二、四兩陽爻，皆有王臣之象，然居位均不正。九二能有田獲三狐之吉，賴其有中德也，九四則不中，故為小人所糾附。

六五，君子維有解，吉；有孚于小人。

象曰：君子有解，小人退也。

1. 六五陽剛高居尊位，有君子之象。而其柔順得中，下應九二陽剛，則有君子之德，故其能紓危解難，而獲吉祥。又能以誠信感化小人，使之信服而無怨，

化邪惡而向善。 ◎維，語氣詞，無義。

2. 王弼曰：六五居尊履中而應乎剛，可以有解而獲吉矣。以君子之道解難釋險，小人雖闇，猶知服之而無怨。
3. 劉沅曰：六五居尊，君子之位；中而應剛，君子之德。蓋服小人易，化其心難，六五惟有解，則小人亦感其德而自新。
4. 象傳曰：居高位者所以能紓危解難者，乃由於小人能感其德而自新，或自動

隱退。

5. 李士鈺曰：小人不退則大難不解，君子不進則小人不退。六五柔順中正，居尊應剛，具君子之德，小人自折服聽命。
6. 鄭汝諧曰：世之小人皆信上之所用必君子，所解者必小人，則必改心易慮，無覬幸之心矣。
7. 馬振彪曰：維邦國必先解去小人，即開國承家小人勿用之義。

上六，公用射隼于高墉之上，獲之，無不利。

象曰：公用射隼，以解悖也。

1. 上六處解卦之終，居上震之極，有王公能紓解危難之象。而六三小人竊位，如惡鳥盤據於高牆之上，上六射而獲之，消除禍患，故無所不利。
◎隼，音准，喻貪婪殘暴之鳥。此喻六三。 ◎墉，音壅，小城牆。
2. 王弼曰：初爲四應，二爲五應，三不應上，失位負乘，處下體之上，故曰高墉。墉非隼之所處，高非三之所履。上六居動之上，爲解之極，將解荒悖而除穢亂者也，故用射之，極而後動，成而後舉，故必獲之而無不利。
3. 李士鈺曰：六三不中不正，盜位害民，如隼害鳥。一射即獲，矢發必中也。去一人天下安，解一官天下利，害除則利在其中矣。
4. 象傳曰：六三小人竊位，如惡鳥盤據於高牆之上，上六射而獲之者，意指上六能紓解悖逆者所造成的險難。
5. 張履祥曰：獲狐，治姦民也。射隼，清君側也。皆攸往之宜速者也，赦宥之列不與焉。
6. 繫辭下傳云：隼者，禽也；弓矢者，器也；射之者，人也。君子藏器於身，待時而動，何不利之有？ 黃壽祺曰：此爻釋義有二：（一）表明上六射隼，正當其時，故無不利。（二）指出上六處解之極，危難雖以紓解，但新患或將又萌，故當預藏成器，隨時警惕，不可因一時之解，而忘他日之蹇。